



南召縣志

藝文志



署知縣事臨川陳之煥纂修

撐腸千卷引紙萬言詎非文士之豪哉况廼山縣峰
高泉清縮層嶂於目前正堪倚馬馮飛瀑於腕底何
難烘雲然而燹餘塵灰編殘蠹字石窟雖富罕有荆
玉騰光酉穴空存岡函莊金露彩失去之宏詞莫錄
尚留麗句亟登志藝文

奏請自効勦賊疏

明

賀自鏡

邑人鄉賢

陝西按察司整飭邠乾等處兵脩分巡關內道副使

臣賀

自鏡謹奏爲流寇猖獗作亂監

臣

招賊助虐家門受禍最

慘天下大事將危伏祈皇上深察愚戇之言速轉治亂之

關撤監息亂寬賦救民自爲社稷計

臣

願請兵自効誓滅

逆賊以報家讐以紓國難事

臣

自鏡受恩肆朝歷署藩臬

天下事感慨於中久矣但非言路之官何敢出位妄言今

禍已中於臣家危將及於宗社舉朝無人敢言

臣

不懼鼎

鑲願爲皇上言之

臣

家河南南陽府南召縣西地名李青

店於崇禎陸年拾貳月拾捌日夥賊萬餘突至本鎮

臣

侄

賀瑞年賀有年領家僕率鄉民堵賊交戰斬賊級百拾顆

奈寡不敵衆並死於賊

臣

入陝未帶家眷

臣

妻累封恭人

戴氏並侄女賀氏俱投井身死

臣

嫂秦氏

臣

妾李氏弟賀

自成幼孫小舉兒僕人劉進庫俱死賊手殺生員許春鰲

等貳拾餘名殺街民李守田等貳千餘人房屋盡焚財物

罄劫賊盤桓拾數日署縣印照磨王世輝竟不報上司無

一兵救援任意屠戮嗚呼慘哉隣民馬似龍來任報信臣

哀痛幾絕肝腸欲斷遂詰之曰何不報上司求救似龍曰
不敢報賊請兵兵到更甚於賊監紀孫茂霖所領曹兵尤
爲民害受賊賄賂或壹百兩或壹百肆伍拾兩准收爲兵
收過賊兵叁千零得銀叁肆拾萬兩並無腰牌俱爲前鋒
是官賊也姦淫婦女搜掘財物赶牛羊驢猪成群公然行
劫人不敢問撫臣元默按臣劉令譽亦知其招賊爲兵也
宰牛羊數百隻犒賞叁軍欲稽察之賊兵聞然肆散別路

前行不敢領賞歷詢之家人如出壹口皇上遣內侍監軍
以爲親信臣豈知其收賊殃民至此哉從古委用閹宦未
有不亂者皇上聰明超千古何不令經筵講官揀漢唐宦
官故事將通鑑原本進呈皇上攬之將惕然汗浹矣僖廟
時魏忠賢用事天下岌岌將危臣任山東時曾焚賢之祠
碎賢之碑已欲誓討國賊遂蒙皇上神明誅戮忠賢轉危
爲安今之魏忠賢且數拾輩矣有不致亂者乎覆車在目
前皇上何遂忠之也監紀不速撤亂且日長矣自考成之

法嚴有司急賦歛以免忝罰不顧民窮今之從賊者日衆
皆窮民也秦晉楚豫皆爲盜窟蔓延不已將盡化而爲賊
誰爲皇上任土納賦者恐考成之法亦難行矣卽軍餉不
可缺裁省宮中壹日之費可留民間數百家之產及別講
生財之道以助軍興以寬民力民心固天下尙可爲也

臣

非謂考成可盡寬免第查被賊之處殘破伍分卽赦免伍
分惟以伍分定考成殘破柒分卽赦免柒分惟以叁分定
考成有司不至苛求百姓猶得存活如本縣南召一小縣

人民全在李青店今殺戮幾盡立成邱墟縣治徑可廢矣而將來考成仍如故其何以堪皇上何不惻然念也由

臣

邑而天下可推也惟有歸併南陽縣壹著耳至將官領兵勦賊奮志立功者固有而留賊爲利不顧縱賊爲害者寔多任賊刼掠飽欲而去徐徐追趕賊散銀錢衣物婦女騾馬以遺之各兵競搶以爲利且捏報以爲功每見大捷屢報何賊勢反愈衆也實心爲皇上滅賊者幾人哉今流賊幾遍天下甚可危也

臣

願自薦假

臣

壹方之兵擇壹廉勇

之難勅臣監之以行聽總督伍省臣節制必不令擄掠良民必不令故縱賊寇任賊八山蹈海務要剪草除根臣之願也若討賊不效請甘斧鉞之誅但糧餉隨處取給准其開銷兵得宿飽賊不難平矣至撤監紀實寬考成乃治亂之大竅所係願皇上深察而力斷之也若追出孫茂霖所得於賊之贓可充軍餉之半今內侍之勢焰方熾誰敢撻毒蛇之尾抹猛虎之鬚惟中外不敢言其惡臣忠憤所激據實入告縱實攢臣臣不懼也不然臣妻臣妾女流耳寧

身死不辱臣臣乃鬚眉丈夫敢愛死以負皇上哉章䟽限

字

臣

生平積抱吐於一朝兼以家門慘禍言之酸心不覺

溢額惟皇上矜察施行齋沐繕完拜付舍人蔣輝齋奏上

聞

臣

不勝隕越待命之至

南召義士烈婦之墓表

李

豸

布政司
右叅政

義士姓宋氏名周南其父大鄉故爲邑諸生性嗜酒落魄
罷去家益貧義士卽長於窶乎猶然負氣任俠不能以貧
故下人居常雅言丈夫有柴尺軀不能扶綱常顧靡靡效
脂韋與世俗萍遊焉用此鬚眉爲也就試補邑庠增廣生
聲遂籍籍起大鄉有女及笄義士妹也有姿容邑胥彭渭
慕之詭謀聘爲妾義士在館聞報恚甚亟歸爭父白縣繩
以法罷之渭故以貲豪南召恥其訟不能勝釃酒於地曰

吾所不得妾宋氏女者有如酒義士切齒曰豪無辱我我
誓不與若共生豪聞而弗也百計誘大鄉尋前盟盟有日
矣義士恨身爲諸生不早自樹立而及此辱令詬苟生何
面目戴天履地與其妻訣曰吾不能忍此若善事後人無
傷若父母心妻執手泣曰君何言此比者妾實醜之君不
難以死爭父妾奈何不以死從君遂初縊與義士共縊死
先是兩月前有諸生某死其妻送之哭之哀烈婦聞之曰
夫死無子胡不與俱奈何稱未亡人而哭送爲哉未幾竟

殉生死蓋其天性云南召汪令以時爲棺殮葬之執彭渭
而致諸法因以其狀白於余余曰尼父有言守死善道是
二人者何以死哉宋生強記善屬文其妻拾伍春秋且食
貧無幾微見顏面彼豈蠢蠢不擇死所者嗚呼此蓋有難
言者矣世俗下流嗜利貪生若二人者是不可以風乎汪
令欲以其事上之朝蓋謂二人皆宋姓也古以類辨姓魯
與吳實出太王今之同然者豈其然乎而義士烈婦爲例
沮格嗚呼亦戚矣

清水賦

以萬物靜觀皆自得爲韻

陳之煥

秀澈地靈派衍天潢觸拖藍而非遙覩曳綠其莫遠水洋
洋厥波惟千泉混混礫砂則萬平沙托鴈足之音狂瀾昭
虎牙之噴渺渺平堤蘸綠楊悠悠浮岸連青蔓葦崖紅漂
苔葉魚磯碧浸塵坳爾其發源伊陽經流岩窟雲浮水面
細瀾澹演連雲迴鳥漫談空清風颼颼依鳥拂天淥沸丹
霞之仙日光顯天竺之佛導松鴉以歸瀍經鐵獅而無汜
澎湃以達襄川波濤以鼓衆物懿夫流聚黃洋秀挹壺嶺

鉢盂表雉城之靈窟籠爽西山之影白河遺沱而往來巨
石碑硯以馳騁漫漭自招騷人歌澄淡應供舟子請泱泱
兮瞻彼清澄繹繹乎耀此朗翫潺聲偕春風以同和波光
與秋潭而其靜靜焉以會動焉而觀鼓細濤於赤岸淪餘
波於白灘非囊沙之可塞不磻溪而垂竿駭浪暴洒乎土
壑驚波飛薄於河干潛港兮以回旋澗漸兮而湧湍漉漉
漭漭滄瀟漫漭時或魚遊圉圉鳥鳴啾啾五塚爲之崑嶸
三川爲之津涯鼓唇窟以漭漭駭湍湧而孔皆波雖次於

河漢流自通於江淮乃若混淪泥沙泛漱湍潰或豁之以
洞壑或域之以盤歸湊雲霞之所蒸液靈淵之所自天桃
艷紅古栢蒼翠視者咸以適懷征人羣以愜意維彼去也
自南來之由北清潔異乎河湓漲泓顯其漫漶縱非同於
湘江夫豈等於溝洫仰觀則高峯參差俯察則平岸擲塞
挹美入於西方羨王化於南國臨清流以濯纓豁心目而
有得